

資中縣續修資州志

昆明志 374

76982

1-6

6028015

142

6028016

資中縣續修資州志

附民國實錄一卷

卷一

民國十八年己巳孟冬月上

浣資中昌文石鉛印社代印

資中縣續修資州志卷首

總目

第一卷

疆域

圖考 分野 附道里 沿革 山川 古蹟 附金石 水利 鹽墓

第二卷

建置

城池 縣署 附公局 市鎮 壇廟 附寺觀 坊表 關梁 塘鋪 附郵驛

善堂

第三卷

食貨

資中縣續修資州志

卷首

目錄

二

戶口 田賦 附津捐 稅附 倉儲 鹽政 輸入品 輸出品

第四卷

學校

學宮 典禮 附器禮圖 鄉飲酒禮 學額 書院 附租附 賓興 鄉學

新增學校

第五卷

人物

名臣 宦業 儒林 文苑 忠義 孝友 行誼 耆壽

列女 附節孝貞烈賢淑 隱逸 流寓 方技

第六卷

官師

職官表 政績

第七卷

選舉

文武科 文武職表

第八卷

風上

習俗 宗教 方言 節序 物產

第九卷

文徵

第十卷

襍編

資中縣續修資州志

卷首

目錄

三

祥異 兵燹

兵制 拾遺

敘錄列后

民國實錄附

資中縣續修資州志卷首

凡例 十六則

一本州志舊原修在康熙二十五年嘉慶同治光緒間三次續修民十又續修稿粗成未付梓此次重修參酌舊例畧事變通惟因國體變更一切制度前後不同未便統紀故編纂悉斷自宣統三年止

一本州改縣在民國三年本志既斷自清末自應查照民十辦法將所屬四縣割去專載州事雖從主人義不可棄故名曰資中縣續修資州志一本志斷例仿涪陵縣志編法辛亥以前悉入州志壬子以後分事略彙鈔記之一俟方志有通例可循新修縣志時得刪取之故本志後附記名曰資中縣民國實錄

一本志分十門首疆域次建置次食貨次學校次人物次官師次選舉次資中縣續修資州志

卷首

凡例

四

風土次文徵次雜編除文徵外各門下分目別之以便瞭覽

一本志不列天文既非專學固敢傳會惟以星野入疆域門悉仍舊志內圖攷一目另由測繪員負責完成餘不免遺漏識者諒之

一建置悉根據舊志及新採所得略述締造之經始用備觀感而已百廢具舉俟諸來者

一食貨關係人類生活至為重大經制之道因時勢不同而徵取亦異揆以出入品物知國計民生措施有在

一學校為國家培養元氣之所近科學昌明教育思潮日新月異從前制度擬任不倫惟禮有所由隆教育有所由暨表而出之亦碩果餽羊微意云

一人物採善善從長之意嚴格相繩不免謬濫第士大夫蓋棺論定照史

家通例現存者不能立傳惟節孝耆壽等國有褒例不在此限

一官師有親民之責關係尤重本志悉遵舊例統分類列表明之有政績者詳爲備錄其在民國時任職者統載民國實錄

一選舉悉遵舊例文科截至五貢武科截至武舉五貢武舉下自科舉停廢檔卷無稽雖初議採訪此次循例論斷當然不記幸諒不罪

一風土述民族之同化觀民風別土物又得教化以灌輸之改良以墾殖之社會風俗逐日演進是爲編者注意之所在

一文徵關係名家著作凡屬閩屬人均未登載者統於本門列入藉徵一代文學之變遷至新採藝文仍遵舊例其人現存者不得闕入

一雜編依舊洪西京雜記傳爲之各目除災變危害外數有足徵然舊志早已成篇列之亦足以瞻世變

一本志排比格式繕寫規模羅列名志擇善而從皆非自我作古篇末記載原修續修各總序俾前人結構苦心不致湮沒惟民十稿本粗具尙未印行其叙言編纂採訪各員恕不列載免貽口實

一此次纂修八月蒞事叅攷書籍僅有方志數種稽諸卷案丘樊無存徵諸採訪絳漏不免想爲明達方家所能曲諒繩愆糾謬請俟高明

資中縣續修資州志卷一

疆域志 圖考另冊

分野 道里附

沿革 表附

山川

古蹟 金石附

水利

壘墓

禹貢奠高山大川以別九州周禮誦訓掌道方志後世紀方輿地理者宗之今分置州縣揆與封建地形無殊惟古今異宜興廢異制雖一縣疆域幅員有限而圖考沿革山川古蹟水利壘墓若不彙而出之其何以詳過程而資考鑑

圖考 另冊

分野 道里附

伏羲受河圖後星象立說設有專官歷代因之卅志舊載分野論詳盡表而出之當爲攷古者所不廢又地邑民居必參相得周官具有精義一卅之幅員廣狹道里遠近編志者豈可忽諸

資中縣續修資州志

卷一

疆域志

圖考

分野

壘

春秋元命苞參伐流爲益州

史記天官書注畢參魏之分野益州

前漢書觜觿參益州

蜀紀帝居房心決政參伐是爲蜀分

華陽國志仰稟參伐

晉書天文志自畢十二度至東井十五度爲實沈於辰在申魏之分野屬益州卅郡繼次觜參魏益州廣漢入觜一度越嶲入觜三度蜀郡入觜一度據爲入參三度牂牁入參五度巴郡入參八度漢中入參九度益州入參七度

舊唐書天文志東井與鬼鶡首之次也未初起井十二度中井二十七度終柳六度其分野自漢之三輔及北地上郡安定西有隴坻至河西西南

盡巴蜀漢中之地及西南夷鍵爲越嶲益州郡極南河之表東至群桐皆
鶡首分也

宋史益梓利夔四路分井鬼

洪武天文分野清類之書四川布政司所屬惟綿州諸分合卅參分餘皆
井鬼分

四川通志資州井鬼分野入參一度

按分野之說起於周禮九卅之分星至春秋時言列國分星尤詳漢書
乃以郡縣隸之然於古卅國往往齟齬不合隋以前諸書蜀之分野皆
以爲屬參觜唐以後諸書又多以爲屬井鬼通志井鬼分野入參一度
當鶡首之次蓋參觜唐宋天文志而模稜其說也今考天有十二次地
有十二辰故分野之說起焉蜀居坤維益州之會界實沈鶡首之間其

資中縣續修資州志

卷一 疆域志 分野

二

星則參伐其宮則巨蠲故秦不盡鶡首而蜀不盡實沈也二十八宿分
配九野積之久則有歲差（清定儀象考成後編新法云其差甚微人
多不覺歲差之法定以七十一年零差一度爲準推步星象卽得真正
躔次所在積之久又有星差按西法云參觜易度唐宋元明已然故乾
隆庚辰以前猶是奎婁胃昂畢參觜自庚辰以後始易奎婁胃昂畢觜
參又按班固天文志觜參伐爲益州唐史觜參伐爲實沈宮今猶
相去不遠也惟參觜易度似難據爲典要至郡國州縣分野志當明里
差按天文大成云城池改遷是爲里差占星者當變而通論之三才
旨云上天一度當地下二百五十里作誌者明三差之法可與言分野
矣伏讀乾隆癸未年續刻御製七政四餘分野過宮白昂二度終昂七
度畢初度終畢十四度觜半度參初度終參八度今屬實沈之次自參

九度終參十一度井初度終兼二十六度今屬鶡首之次蜀居坤維益州之會界鶡首實沈之間舊志云天文井鬼分野者拘守唐虞天正也又云侵入參一度者據當時歲差逆度退步法爲鶡首初舍按參宿自乾隆庚辰以前已侵入鶡首二舍庚辰至今又侵入鶡首三舍其所居實在九度至十一度此挨度順步法也今復以春分昏星候之從參初至九度當爲四川省垣分星無疑其舊志云入參一度者原據鶡首躔次初舍爲省垣都會以參末度所入而言故云逆度退步法如以挨度順步求之則蜀郡西南西北一帶爲觜初至七度畢初至十四度觜半度參初至八度分野其東南東北一帶爲參十度至十一度井初度至二十六度分野資州居蜀東南異地離省垣三百六十里以里差之法求之自省垣至資陽老君舖二百五十里終參十度又自老君舖歷資州內江縣至隆昌雙鳳驛資中縣續修資州志

卷一 疆域志 分野

三

二百五十里終參十一度此外侵入井星分野矣今資中治統計距省垣三百六十里當在參星十度奇零四千二百一十四分之間上應鶡首之次

道里附

資州在四川省治東南三百四十里東西距四百三十里南北距五百里東至敘州府隆昌縣界一百五十里西至眉州界二百八十里南至嘉定府樂山界三百二十里北至成都府簡州界一百八十里東南至嘉定府威遠界八十里西南至眉州界二百九十里東北至潼川府安岳縣界八十里西北至成都府簡州界二百二十里本縣境東西距一百三十五里南北距一百三十里東至內江縣界四十五里西至仁壽縣界九十里南至嘉定府威遠縣界五十里北至潼川府安岳縣界八十里東南至內江

縣界五十里西南至威遠縣界六十里東北至內江縣界七十里西北至資陽縣界四十五里自州治至京師六千五十里以上俱舊志

沿革 表附

資州成圖舊號名區惟因時易地因地易名歷代遷徙靡常考諸文獻鮮見足徵積之又久名無可攷地亦彷彿矣茲本州舊志復參一統志元和志迥志諸書引而伸之表以繫之庶蛛絲馬跡尚有可尋

唐虞爲梁州城一按一元和志禹貢梁州之域是

周屬雍州一按一圖經考夏殷之間梁爲蠻夷周并入雍州所謂庸蜀巴濮之地是也

春秋戰國爲巴地一按一讀史方輿記要春秋巴國地太平御覽春秋時屬巴國又一統志春秋巴國地

秦併爲郡一按一讀史方輿記要秦屬巴郡兩漢因之又曰秦併天下始置巴郡二郡

漢卽犍爲郡資中縣地一按一犍爲郡漢書地理志注武帝建元六年開領縣十二曰犍道江陽武陽南安資中犍牛犍南

資中縣續修資州志 卷一 疆域志 沿革

四

廣漢陽都郡朱提堂琅今資陽內江榮昌安岳樂至威遠皆漢資中縣地故城在今資陽縣均見清一統志

東漢因之一按一建安十八年劉璋分犍爲仍立資中縣後漢書郡國志犍爲郡九城武陽資中犍牛犍南

晉以犍故多荒蕪歷宋齊梁名仍無改一按一元和志李雄之亂夷獠居之文獻通考蜀本無獠李勢時諸

唐始出巴蜀渠川廣漢陽安資中犍爲梓潼布在川谷攻破州縣桓溫破蜀之後山險多空僚遼挾山傍谷與入攀居華陽國志晉康帝建元元年

壽寧勢立勢驕淫不卹國事中外離心蜀土無寧至是始挾山出自巴蜀爲梓潼布滿山谷大爲民患又晉書地理志惠帝之後李特僭號於蜀

益州郡縣皆沒於特桓溫滅蜀其地始爲晉有咸安二年益州復沒於符氏太和八年復爲晉有一按一晉志宋志齊志犍爲郡下並有資中縣一

實字記一歷後漢晉宋齊或爲資陽縣成而無所理西魏克其地始於此置資州

西魏屬資州按一元和志後魏廢帝二年析武康郡之陽安縣置資州取資本爲名也陽安卽今簡州一袁字記一今簡州陽安縣界古

資陽

後周武成二年自陽安移資州治資陽縣並置資中郡保定中一按一與地紀勝云

元和志在保定二年於此置磐石縣一按一磐石縣在今縣治北與地紀勝云磐石在州北三里元和志

周武帝於漢資中古城置資中郡又保定五年於漢資中縣故城置磐石縣
徙州於漢資中古城置資中郡又保定五年於漢資中縣故城置磐石縣
屬資中郡其誤與元和志同詳見寰宇記校勘

隋開皇七年始自資陽移州來治大業初改州為資陽郡
資中郡開皇初郡廢大業初置資陽郡資陽郡資中縣其地併於資中縣
煬帝又置資陽郡一按一與地紀勝云併於益州陽安縣據此資中縣廢
於開皇簡州置於仁壽二年分置簡州核紀年不符不
無疑誤又郡縣志義寧二年分置簡州核紀年不符不

唐武德元年改為資州天寶七年復資陽郡乾元元年復為資州咸通六
年徙治內江縣七年復治磐石縣劍南道

居隆康資陽太守咸通其年割太守咸通屬榮州二年分安岳居隆康普慈安
岳四縣屬普州貞觀四年置丹山縣乾元二年正月分置昌州尋廢一按一
普慈樂至廢縣安岳居隆康普慈安岳廢縣太守榮縣廢縣榮州今榮縣普
州今安岳昌州今榮縣新唐書志省州陽郡本治磐石咸通六年徙治內江七
年後改領縣入磐石資陽清溪內江月山龍水銀山丹山又與地紀勝開元
元年隸劍南節度至德二年置東川節度州隸東川元和四年復隸西川唐
書地理志資州資陽郡置安定軍一按一貞元
元年西川節度使韋皋奏置軍於此控制諸蠻

資中縣續修資州志 卷一 疆域志 沿革 五

五代屬蜀王氏孟氏更有其地州悉如舊

王建引兵攻成都資簡茂嘉
邱諸州皆殺刺史降趙至梁開平二年稱帝於成都改元武成據其地是
為前蜀後唐滅王孟知祥復據之是為後蜀州悉如唐之舊與地紀勝
國初平蜀地歸版圖舊領縣八磐石
資陽內江龍水銀山丹山月山清溪

宋亦曰資州資陽郡理磐石縣屬潼川路

山丹山銀山三縣為鎮入磐石
清溪縣入內江宋史地理志宣和二年改龍水為資州後故淳祐三年
廢領縣四磐石資陽龍水內江又與地紀勝太平興國中隸西川路咸平

四年屬梓州路

元初州縣俱廢及至正明玉珍復置資州

一按一元史地理志三四川等
為隆州至元二十年以此州地荒民散
併為仁壽縣則資州之廢當亦因此

明洪武四年改州為縣屬成都府

清初因之雍正五年改直隸資州領縣四仁壽資陽井研內江屬松茂道
後改屬川南永寧道

資州歷代沿革表

世代	總隸	州郡	縣
唐虞	梁州		
周	雍州		
春秋	巴國地		
秦 始皇二十六年分天下為三十六郡		巴郡	資中縣
漢 武帝建元六年置犍為郡		犍為郡	同上
後漢		同上	同上
西晉		同上	同上
東晉 永和	益州	同上	同上
南宋		同上	同上
南齊		同上	同上
南梁		同上	同上
西魏 廢帝二年置資州		武康郡	資州
後周 武成二年置磐石縣		資中郡	磐石縣
隋 開皇大業義寧間改置郡縣		資陽郡	磐石縣 龍水縣 銀山縣
唐 貞觀四年置丹山縣	劍南道	資州資陽郡	龍水縣 銀山縣 丹山縣
五代		資州	同上
宋	潼川路	資州資陽郡	磐石縣 月山縣 資州海祐和廢銀山乾德五年省
元 初廢至未明玉珍置資州		資州	資州
明 洪武四年	成都府		資縣
清 雍正五年改屬	永寧道		直隸資州 領縣四仁壽資陽井研內江

按考漢至宋均為置郡領縣時期詳察通典與文獻通考名稱興廢互有出入惟清一統志核與通典符合本表宗之

雲山渠遠樹浮風月濃時新酒占紅山佳處好詩收老僧入定塵凡隔下
管人間歲序流 禪房風景最清幽我欲牽蘿上頂遊珍鶴漫隨落日下
杉松多被暮烟浮只尋物外山林住不受人間名利收一坐蒲團成睡穩
任渠門外水長流一資縣書感次東阜翁韻一青山不動水流東世事秋
花數口紅花到春來紅又發無情錯說是秋風 利名苦把世人遮得珠
得名便要誇口口兒孫口口者問來多是縉紳家 一水定原韻一跨馬珠
江幾度過珠江問我欲云何回言却怕珠江笑故意高談浩歌一重龍
讀書處次石峯韻一俯仰青山頂逍遙也是仙昂頭劍外捫手斗牛前
豪放從人笑清幽任世傳讀書過夜半陪伴白雲眠 鳥道遙尋雲漢苑
曾住仙風雷三峽表舟楫兩江前險絕雲常占虛靈人共傳吟餘忽大嘯
僧眠老

月山 在州城北關外即重龍巖每月出有光起岩端望之如蟾影挂壁

與地紀勝月山在州北三十里狀如圓月范
太史昌賦詩其上石刻今存疑別是一山

鶴鳴山 寰宇記 在州南五百步故老傳云張道陵乘白鶴飛鳴於此

衙後山 在州署後上有凝瑞臺州牧王用儀有記 王用儀記 粵稽舊乘
年創築土城方三里歷唐宋元悉仍其舊明宏治間縣令鄧榮乃拓東北
隅圍重龍山於城內俱砌以石後嘉靖間縣令丁裕年傑施一中相繼

資中縣續修資州志 卷一 疆域志 山川 八

繕治歷經風雨剝蝕頗巨嘉靖乙丑縣令吳宗堯復加修築明季亦頗
廢過半國朝雍正五年改資縣屬直隸州未幾修葺乾隆庚寅辛卯前
牧朱公琦本公著勸民捐貲遷派紳士監工督修未及十分之三復以金
首不噴軍書旁午中止嘉慶丁巳冬達州邪匪猖獗本任趙公立忠暨
州判劉璜謀資捍衛復勸捐修葺工役未幾趙以調赴費劉以他去始
徵署州牧吳公士淳權蒞茲土率領僚屬及諸紳士詢謀僉同協力電始
開城垣就其工程之未竣者指點而補綴之不啻九復之一資不數月而
告厥成功署旁龍山舊有高臺爲之增葺落成相與登臨遠眺但見峯巒
秀麗江水灣環雲樹蒼茫歷歷如畫資中夙號名區周漢以來名賢輩出
蓋由山川靈氣鍾毓非偶然也因名其臺
曰凝瑞并叙巖末用勸貞珉以垂永久

龍洞山 凡有一一在州西九十里一在州東七十里蔡家鄉場後山腰
有洞直下深邃莫測

四明山 輿地紀勝 四明山在州西北三里俗云其上有光景之異故
名

鳳凰山 在州北一里下有石洞壁鐫書巖二字宋狀元趙達讀書處後

入於洞所掘得棲雲石硯舊志萬曆中縣令顏如圭題石坊曰鳳躍舊蹟
今存與地紀勝 鳳凰山在州北引喙翔翼儼若鳳凰故名

磐石山 在州西三里 寰宇記 在磐石縣西北（輿地紀勝）磐石在州

城北三里狀若磐陀因以名縣其西爲靈巖縣志勝留題 見本志古蹟

醮壇山 在州西二里李阿修煉處肖像猶存（方輿勝覽）杜光庭有醮

壇山北帝院記現碑存文 刻蝕殆盡以爲張道陵居焉山畔有洞鑿石七十二級遠

望如入雲中舊志世傳李阿張道陵修煉於此宋大中祥符間勅修延

恩殿遣使詔醮故名（輿地紀勝圖經）云舊名北帝山在州北二里（九

域志）云昔李阿真人修煉於此後於蜀州新津上昇其山無棲禽穴蟻

縣志勝留題 見本志古蹟

平岡山 在州西二里（唐書地理志）磐石縣有平岡山方輿勝覽傳仙

資中縣續修資州志 卷一 疆域志 山川 九

宗所宅崔中吉崔寔亦嘗居此（輿地紀勝）平岡山在盤石縣西三里李

阿傳仙宗居之

龍遊山 在州西二里與重龍諸峯並峙左瞰長江縈紆如帶右臨深谷

層疊如鱗山腰有龍王洞里人早禱輒應

三元山 在城南河岸一里橫列如案中突起三峯爲學宮朝岸舊名三

台山

玉清山 在州南二里方輿勝覽高二百丈俯瞰平湖侯真人遺蹟存焉

按輿地紀勝玉清山在州南二里左顧平湖若琵琶 因名琵琶峽舊志引方輿勝覽俯瞰平湖湖字疑誤

迴龍山 在州東二十里疊嶂凌空如龍峭天

丹神山 寰宇記丹神山在州西北五里值天旱祈告卽雨按輿地紀勝 讀書山去磐

石山半里亦名丹神山上有力池亦名天池山雲巢先生李石讀其志 又舊志謂丹山縣因此名按元和志丹山縣取界內崇丹山爲名也舊志

誤為丹
山州之

得道山 在州西十五里(碑目)張開光得道於此方輿勝覽陳圖南得

道山詩鐫於石壁邵博跋

佚無存按李石金仙樓記云吾塔之李傅侯強四
仙入晉各據一山台四山而會拱揖左右羽翼後
先王灼蓬萊閣記云醺壇則張道陵李阿朱有遺蹟也平岡則傅仙宗
崔中古崔遠遺蹟也山道則張開光遺蹟也玉清則侯真人遺蹟也

石人山 寰宇記在磐石縣南一十五里隔中江高八尺

蘭山 寰宇記在州東十五里上有八面懸巖聳壁(輿地紀勝圖經)名

蘭山以其色如藍故名

兩臺山 在州西十五里岡巒甍率上平行如臺里人禱雨輒應

銀山 在州東南四十里山形如錠古今集記唐田遊巖入蜀居於銀山

聚弟子歌雅詩以為樂今山有雅歌臺在焉即今銀山鎮

金紫山 在州東三十里

資中縣續修資州志

卷一 疆域志 山川

十

鐵山 寰宇記在磐石縣五十里

按地理志云其山出
鐵在榮州威遠縣界

金爐山 在州西南五十里

天馬山 在州西南六十里

按山陽有洞窺人立廟其中為祈禱之所其
下即响灘子凡天欲雨或晴時則其响聲較

大遠聞十餘里久旱不
涸相傳潭內有神云

龍鳳山 在州東五十里昔人刊龍鳳於石故名

太平山 在州東六十里舊名寨子山形如一字

三堆山 在州東三十里三峯秀列形如品字

盤龍山 在州東五里四面巉崖削壁蜿蜒如龍(明)萬歷乙酉孫宏軾

題其巖曰盤龍山

石寶山 在州東五十里連峯絕嶺腰間圓石上重大十圍形圓如寶清

孝廉周方昇詩云峭壁應自神工削盤空萬古一螺鮮

仙人山 在州西南四十里州人顧得道見二人於山顛對坐遂攀援而上至則只殘棋一局人倏不見顧於是年領鄉薦

馬鞍山 在州東北五十里一名玉枕山卽今馬鞍鄉

香爐山 在州西六十里石壁鐫明孫宏軾書香爐山三大字

廬高山 在州西六十里四山壁立高出羣峯迥三十里橫亘十里崖畔有洞人迹難至石壁有西陽返照四大字跋云明萬歷丙辰廬山主人書舊傳爲廬道人養真處

玉京山 在州西六十里危石聯絡百步許突起石臺高六丈周十餘丈石壁刻冲虛之觀四大字

按輿地記勝玉京山在州西南五十里嵯峨半空峭峻壁立挿天連雲儼然在目上有觀曰太霄

大石山 在州西三十里一石盤結袤延三百丈峻嶒峭拔四壁嶄然

方山 在州西六十里山腰有二洞時興雲霧

資中縣續修資州志

卷一 疆域志 山川

十一

天湖山 在州西七十里山頂有池水常不竭

現燈山 在州西七十里山臨大江夜常有光如燈高下不一鄉人頗以爲奇

臥龍山 在州西六十里怪石聯絡如龍

鐵釘山 在州西一百里上有鐵釘如柱

石笋山 在州西一百三十里平原中一峯直立高數十丈秀麗挿空宛如文筆

兩明山 在州西一百二十里石壁多古刻斜落不可識

老君山 在州西八十里舊有老君廟今圯

石凸山 在州西一百五十里絕頂有巨石屹立巖端撼之可動土人呼爲飛來石